



Universitätsbibliothek Paderborn

**R. P. D. Ioannis Ivsti Lanspergii, Natione Bavari, Illvminati
Ac Religiosissimi viri, Carthusiae Coloniensis ante annos
centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati
restituta, & indicibus locupletata

De Tempore

Landsberg, Johannes Justus

Coloniae Agrippinae, 1631

Exegesis Euangelij Matthæi XX.

[urn:nbn:de:hbz:466:1-47044](#)

Christi sanguinis præfigurabat. Bibeant autem de spirituali petra **sos** con sequente, id est, desiderijs eorum seruiente. Aut consequente **eos** petra, id est, Christo per totum erenum, ut ubique deficerent humana subdia constitutis in via, ibi Christus in petra significatus eis necessaria ministrabit. Ideo sequitur: Petra autem erat Christus, non re, sed figura & præfiguratione.

EXEGESIS EUANGELII EIVSDEM

Dominica, Septuagesima, Matthei XX.

*Septuagesima
me mysteriū
quod.*

In hac Dominica filij hodierna Septuagesimam inchoamus, in qua **tix** cantica ex officio subducimus diuino, sic statuente Ecclesia, ut hodie deviationem nostram recolamus, qua humanum genus multipliciter deuiauit a creatori suo, lapsūq[ue] mirabilē a paradisi amoenitate exclusum, suo merito cecidit in multiplicem miseriā. Cecidit enim, ut dixi, ab incolatu paradisi, in exilium hoc, quo viuimus, laboriosum. Cecidit de vita immortali, de requie ad inquietudinem, de pace ad perturbationes, de incolumitate & tranquillitate ad afflictionem. Hæc autem omnia primi nobis parentes ac successoribus nostris in paradiſo sua comparaverunt prævaricatione. Recolimus igitur humani generis lapsūm statusq[ue] nostri miseriā in luctu & tristitia. Idecirco hodie quoque legitur Euangelium, quod nostri nobis exilio indicat laborem & conatum, per quem a labore iterum ad requiem, ab afflictioneq[ue] ad pacem redire contendimus. Est enim laboriosa hæc nostra vita, & exilium nobis calamitosum in pœnitentiam datum, ut peregrinantes per varias difficultates ad patriam quam amissimus, reuertamur. Huius autem laboris nobis in hoc Enangeliō Dominus Iesus narrat similitudinem, dicens:

Simile est regnum cælorum homini patrifamilias, qui exiit primo manè conducere operarios in vineam suam.

Iob 3.

Homo natus ad laborem dicitur, quomodo avis ad volandum. Et hoc maximē in hoc exilio, in quo nobis a Deo dictum est: *In labore vultus tuis
seru panem tuo.* Admonet itaque nos per similitudinem Christus, non otio indulgendum, sed labore, quo æternam, iuxta suam conuentione, hoc est, iuxta suam misericordissimā promissionē ab eodem recipiamus mercédē. Dicit igitur: Simile est regnum cælorum homini patrifamilias, ac si diceret: Negotium & status Ecclesiæ militantis comparari potest homini patrifamilias, qui exiit primo manè conducere operarios in vineam suam.

Genes. 1.

Homo iste patrifamilias, Deus est omnipotens, qui triplicem habet familiam, cælestium, terrestrium & infernorum. Prima est familia filiorū cum patre regnantium. Secunda familia est militum pro honore patris & sua salute pugnantium. Tertia familia est incarceratorum, & operum suorum malorum peccatas soluentium. Ad secundam familiam pertinet, quicquid hic de his, qui conducuntur in vineam, dicitur. Est enim vinea præfens Ecclesia, quæ regno assimulatur cælorum, quia in ea, & non alibi negotium agitur, quo perueniatur ad regnum cælorum. Deus autem Pater idecirco homo dicitur propter pietatem, pater autem familias propter gubernationem.

*Familia Dei
triplex quæ.*

*Vineæ quid
mystico.
figura.*

nem. Exit autem non mutando locum, sed diffundendo pietatem. Exit, sed nihilominus ubique manet, ubique operans, omnia gubernans, omnia ser-
vans. Exire tamen dicitur, ubi nouos producit effectus. Verbi gratia: In ^{10a. L.} mundo venisse dicitur, quia in mundo assumpsit carnem. In hominem quoque venire dicitur, quando noui aliquid in homine operatur, charita-
tique diffundit feruorem. Dies hic significat ætatem mundi, seu ætatem ^{Dies quid}
hominis. Diversæ itaque ætates, diversæ sunt horæ diei. Manè igitur, æta-
tem significat primam mūdi, puta tempus illud ab Adam usque ad Noe. Ex-
ierto pater familiæ manè, hoc est, in principio mundi conducere opera-
rios, id est, iustos quoslibet, qui intermedio hoc tempore, scilicet inter Adā
& Noe, exierunt, quos misit in vineam suam, id est, in ecclesiā suam, ut ali-
os quoque ædificarent verbo & opere, & vniquisque hæc dona, quæ acce-
pit à Deo, proximis suis libenter impartiatur, ad cooperandū omnī salutē. ^{Matth. 25.}
Ad hoc enim accepit quilibet à Deo talenta seu dona, non ut in terrā fodiat,
ne ut sibi soli his vitatur aut abscondat, sed in utilitate proferat multorum. ^{1. Cor. 3.}
Vnde dicit Paulus: *Ego plantavi. Apollo rigauit. Hoc igitur est in vinca Domini*
operari, donis à Deo acceptis in gloriam patris familiæ, & in fertilitate vi-
te. Vinea enim ex operarijs ipsis cōstituitur. Hi enim qui in vinea Do-
mini operantur, sunt ipsa vinea, aut vites in vinea. Quemadmodum enim
Ecclesiæ membra Ecclesiæ cōstituantur, sic operarij, qui etiam vites dicun-
toian. 11.
tur se palmites, cōstituant vineam. Christus tamen se nominat vitem. *Ego*
sum vite, inquiens, & Pater meus agricola est. Nos verò vocat palmites, qui sub ^{palmitum}
triplici sunt discrimine. Sunt namque palmites in vite, id est, in Christo per differentia
fidei manentes, sed non virentes, nec fructū adferunt per operationem. De ^{I.} triple.
his dicit: *Omnem palmitem in me scilicet manentem, non ferentem fructum, tol-*
lit eum. Hi sunt peccatores, sed fideles. Sunt alij palmites excisi aridique ad ^{Ibidem.}
solum ignem idonei. Hi sunt haeretici & schismatici, qui nec Christo inhā-
rent per fidem, nec per operationem. Vtrique palmites supradicti ad ignē, ^{II.}
si ita inueniantur in fine, proiecūt. De his dicit Christus: Si quis in me non ^{Ibidem.}
maneat, mittetur foras sicut palmes, & arescat. Et colligent eum, & in ignem mittent. ^{III.}
Tertij sunt palmites, qui in vite, id est, in Christo manent per fidem & ope-
rationem. De his Christus: *Qui manet, inquit, in me & ego in eo, hic fest fructū* ^{Ibidem.}
multum.

Conuentione autem facta cum operarijs ex denario diur-
no, misit eos in vineam suam.

Conuētio patris familiæ cum operarijs est promissio mercedis, promis-
sio æternæ retributionis, æternæ vita. Denarius præmium est seu felici-
tas æterna, debita ex promissio diuina, iuxta dignam operationem, obser-
vantiamq; decalogi præceptorum Dei. Denarius enim olim ut quidam di-
cunt, decem nummis computabatur. Dicitur autem diurnus, quia pro eo
continuè laboratur, & quotidie regnum cœlestis ingredientibus datur. In
prima hac mundi ætate misit Adam, Abel, Enoch, Seth, & quotquot fuerunt
sancti usque ad Noe. Scindum in hoc labore spirituali nunquam deesse
consolationem laboris, spemq; præmij. In labore verò seu operatione
corporali s̄pēnumero & opus & opera perditur, spes quoque & præmij &
fructus

fructus luditur. Nam hominum impostura nonnunquam operantem sat, lit, nonnunquam quoque gratis laborem impedit, quia nullus respondet fructus propter sterilitatem, aut propter aeris inclemenciam, aliamve, his terra, sive temporis conditionem malam. Nam in vinea temporali, aut agro sive operatio, quamvis ardua nil proficit, neque fructum, neque gratiam, aut consolationem operanti referens. At in opere spirituali nūquā conscientia deest hæc consolatio, quod iusta operatus sis. Est enim honestum, iucundum delectabile quecumque homini, quoties recolit se bene egisse, aut bene operatum esse. Est etiam bene operari alia consolatione maxima, credere se Deum habere propitium & amicum. Quamvis enim a operibus suis nemo sibi fiduciā promittat, nec consolationem accipiat, id enim humilitas prohibet, qua sit, vt si etiam iustus vir, qui bene egerit, id omnino ignoret, aut non iudicet bonum) non operans tamen bonum, certam habet conscientiā, quod Dei præcepta non feruat. Non seruantibus aetatem Dei mandata non potest esse spei bona consolatio, sed futuri supplicius.

Hora tercia
quid desig-
net mystice.

Et egressus circa horam tertiam, vidit alios stantes infor-
mo ocosios, & dixit illis:

Tertia hora est decursus mundi à Noe usque ad Abraham, constitutus secundum ætatem mundi. Et inuenit stantes ocosios. Quisquis enim fides non habet ocosius est. Cum autem fides non recipiatur per infusionē & reuelationem, omnis homo in se, & iuxta naturam suam consideratus, infidelis & extra vineam constitutus est, idcirco iure dictus ocosius. Inueniuntur autem in foro, id est, in seculo isto negotiationibus, emptionibus & venditionibus, lucris quoque & dannis expositi. Ibi enim plerique pro cōmodis delectationibus & corporeis spiritualia bona, puta Dei gratia, Dei dona, virtutes, consolations spirituales & præmia æterna sibi comparant. Nō vt emptionis modo iuste ac digne p̄dant preciū pro bonis spiritualibus, sed quod Deus adeo sit misericors, adeo liberalis, vt non possit non reddere cœnoplū, quemadmodum promisit his, qui vel simili illi offerunt, hoc interim sibi pro illius amore, quod delectat, subrahentes. Alij rursum tamen nature quam gratia bona venditant pro temporalibus lucris, aut pro carnis delectationibus. Emunt igitur quidam regnum celorum, nonnulli infernum compa-
rant.

Math. 9.

Lucas 16.
Math. 19.

Math. 5.

Esaias 56.

Math. 19.

Quomodo, inquis, emitur regnum celorum? Audiendo Christi vocē vade & vende omnia, que possidet, & da pauperibus, & sequere me: & habebitis saurum in celo. Itemque: Omnis, qui reliquerit agrum aut uxorem, aut parentes, & filios, centuplum accipiet, & vitam eternam posset habere. Item: Beati pauperes spiritus, quoniam ipsorum est regnum celorum. Emitur igitur regnum celorum pauperate, seu omnium rerum abdicatione. Emitur etiam castitate. Vnde per Esiam Dominus dicit: Non ducat eunuchus: Ecce ego lignum aridum. Quia dico Dom: nū eunuchus: Qui custodierit sibi tabernacula, & elegit, quem ego volui, & tenuerint sedu meum, dabo eis in domo mea. & in mariis meis locum, & non emul-
ui a filiis & filiabus. Nomen sempiternum dabo eis, quod non peribit. Hi sunt eunuchi, qui (vt Christus dicit) seipso castrant propter regnum celorum, qui nequa-

neque nubent neque nubentur, sed erunt sicut Angeli Dei in celis. Verum Matth. 23.
Lucas 10.
quomodo, inquis, emitur infernus, aut quis vult emere gehennam ignis? Galat. 5.
Omnis avarus & immundus & alij criminosi omnes, de quibus Apostolus
pronunciat, quod regnum Dei non consequentur, comparant sibi infernum:
preferunt enim voluptates suas Deo eiusque regno, spoliant se eius gra-
ta eiusque beatitudine pro noxijs, immundis, breuissimisque defecationi-
bus. Matth. 23.
Ioan. 3.
Equivid mirum est, si operibus malis emitur infernus ac dæmonum
societas, quando seruus etiam piger & utilis ejicitur in tenebras exter-
ores, quâdo negligens, qui non facit fructum bonum ac sterilis, in ignem
mittitur? Redeamus ad textum, & audiamus quid pater familias his, quos
hora conductit tertia, locutus fit. Ait namque illis:

Ite & vos in vineam meam, & quod iustum fuerit, dabo
vobis. Illi autem abierunt.

Luxa modum ac mensurâ charitatis vestrâ reddetur vobis merces æter-
na, quâ non minor erit meritis vestris, sed tam incomparabiliter, quâm
misericorditer ea excedet. De hac mercede scriptum est: Ecce venio cito, &
Apoc. 22.
merces mea cum est, dare vnicuique secundum operam sua, id est, iuxta exigentia-
m amitorum suorum. Illi autem abierunt, hoc est, à vitijo ad virtutes,
ab operatione mala, & à bonorum sterilitate operū, ad bonorum operum
secunditatem.

Iterum autem exiit circa sextam & nonam horam, & fe-
cit similiter.

Circa horam sextam & nonam inuenit, quos simili modo conduceret Hora sexta
qua sit.
muttereq[ue] in vineam suam. Sexta hora tercia est ætas mundi, extendens
se ad Abramam usque ad Mosen. In hac ætate missus in vineam est operari
Abraham, Isaac, Iacob, duodecimq[ue] Patriarchæ cum reliquis iustis. Porrà à
Mose usque ad Christum, quicquid temporis interfluit, nonam constituit Hora nona
qua sit.
horam, quartamq[ue] mudi ætatem. In hac ætate Moses, Iosue, Aaron, David,
Ezechias, Iosias, ceteriq[ue] reges & iudices boni cum Samuele & Prophetis
reliquis, cum principibus & sacerdotibus intrarunt vineam Domini, &
quod bonum est operando, vineam Domini excoluerunt. In hac ætate Iob
quoque, & nonnulli alij Gentibus ad Domini vineam sunt vocati.

Circa undecimam vero horam exiit, & inuenit alios stan-
tes ociosos, & dixit illis: Quid statis hic tota die ociosi? Di-
cunt ei: Quia nemo nos conduxit. Dicit illis: Ite & vos in vi-
neam meam.

Hora undecima tempus est Euangelie legis ac gratiæ. Tunc enim Hora undeci-
ma quæ sit.
quinta ætas mundi incipit, in qua pater familias suum Filium misit in vineam ma-
tutum cum Apostolis, Sanctisq[ue] omnibus, tum prædicatoribus, tum alijs
quibus liber credentibus, & ea, quæ recta sunt, operantibus, qui non minus
opere docent & exemplo, quâd verbo. Quotquot enim fuerunt à tempore
Christi, eruntive usque ad finem mundi, vbi ætas hæc terminabitur in hanc
ætatem suscipiuntur numerandi. Exiit itaque circa undecimam, & inuenit

T 2 alios

P. VI
21

alios stantes in foro ociosos. Qui sunt isti alii, nisi gentes à Iudeis (qui ante referuntur vocari) moribus diuisi, atque sine Deo viuentes in hoc mundo ociosi? Et dixit eis: Quid statis hic tota die ociosi? Qui transacto longo mundo tempore pro salute sua laborare negligebant, quasi ociosi adhuc in foro stabant, ideo responderunt, quia nemo nos cōduxit. Nemo prophetarum, nemo ad gentes parricarcharum missus fuerat, nemo eis viam salutis predicauerat, idcirco dicunt: Nemo nos conduxit, nemo nos quid agere debemus, instituit. Idololatria nanque vbiique, dum Christus in mundum veniret, regnabat. Dicit autem & illis: Itē & vos in vineam meam, id est, in ouile meum. De his enim ouibus per Apostolos suos conuertendis Christus loquebatur: Altius oues habeo, que non sunt ex hoc ouili, & illas operet me adducere, & vocem meam audient. Et fiet vnum ouile & vnu pastor. De Gentibus hoc dictum intelligimus, per Apostolos & Doctores sanctos usque in finē mundi conuertendis.

Cūm autem serō factū esset, dicit Dominus vineā procuratori suo: Voca operarios, & redde illis mercedem, incipiens à nouissimis usque ad primos.

Quum serō factū esset, cūm finis adesset mudi, dixit Dominus vineā, hoc est, Deus Pater, suo procuratori, hoc est, Christo Filio suo, cui data est omnis potestas à Patre in calo & in terra. Voca operarios, & redde illis mercedem. Voca eos ad iudiciū, qui in Ecclesia laborauerunt fideliter. Ipse enim Dominus tūc in iussu & in voce Archāgeli, & in tuba Dei descendet de calo. Et vt alibi dicitur: Veniet tunc hora, in qua omnes, qui in monumentū sunt, audierunt vocem eius. Vocare itaque operarios, est labori dei & mundo finem imporre, & reddere operarijs mercedē, id est, vitam æternam. Hac est autem, inquit, vita æterna, ut cognoscant te solum Deū verum, & quem misisti Iesum Christum. Nihil itaq; allud est dicere: Voca operarios, quām mortuos resurgere iube, & tanquam iudez viuorū & mortuorū, redde illis mercedem, incipiens à nouissimis, ab his scilicet, qui circa vndecimam venerunt, hoc est, ab his, qui tempore gratiæ vocati sunt. Hi enim, quasi citius remunerati sunt, quam priores alii, qui ante Christi nativitatē operati sunt in vinea, quia multo breuiori tempore à regno cœlorū, & à perceptione cœlestis beatitudinis sunt dilati. Antiqui enim Patres longo tempore post mortem suam (cūm necdum illis referatus fuerat Christi passione aditus regni calorum) expectarunt in Iymbo suæ captiuitatis liberationē. Porro in novo testamento Gentes mox vbi à corpore fuerint absoluti, remunerationem, quo ad animam, beatitudinis æternæ accipiunt. Vicinior quoque illis consumanda beatitudo, quo ad gloriam corporis fuit, quia quanto ab eorum morte ad resurrectionem vniuersalem propius illa distabat, tanto citius dici possunt alii, qui diu ante sunt mortui, laboris sui præmium receperisse.

Cūm venissent ergo, qui circa horam vndecimam: vnerant, acceperunt singulos denarios.

Gentiles, & qui tardē conuerſi sunt ad Christum, receperunt singulos denarios, hoc est, mercedem, quam promiserat paterfamilias his qui circa

Gregor.

Ivan. 10.

Matth. 13.

2. Thess. 4.

Ivan. 5.

Vocare ope-

rarios quid-

fir.

Ivan. 17.

etica horam fuerant primam conducti. Recepunt singulos denarios, non quod multi sint denarii; sive dij, sive beatitudines, sed unus tantum est Deus, una beatitudo, unus denarius: & hoc quatenus loquimur de eo, qui beatificat, confert aut causat beatitudinem. Nam si loquamur de his, qui participant beatitudinem, seu qui recipiunt Deum sive denarium, tunc sunt multæ frumenta aut visiones, vbi singuli beati habent suam. Secundum Augusti. Augu-

num enim visio Dei est tota merces regni cœlestis.

Venientes autem & primi, arbitrati sunt, quod plus essent accepturi. Acceperunt autem & ipsi singulos denarios.

Venientes primi, hi scilicet, qui ad vineam ante illos, qui circa vndecimam venerant, missi diutius fuerunt operati, arbitrati sunt, quod plus essent accepturi proper opus plus diuturnum, acceperunt autem & hi singulos denarios. Non intelligendum est omnes in gloria beatitudinis esse pares, sed iuxta discretionem meritorum, alios alijs esse superiores aut clariores, ita tamen beatos singulos, ut nulli quid deficit, ita plenos, ut capere plus non possint. Est enim dolium vino plenum, est etiam bathus, aut quarta aut vasculum partuum plenum, utrobique est plenitudo, magna tamen est differentia plenitudinis huius, iuxta vasorum magnitudinis seu capacitatis differentiam. Pari modo iuxta merita vniuersuistque, quantum capere potest, omnibus erit beatitudinis plenitudo. Erit tamen magnum discrimen seu differentia claritatis: quandoquidem stellæ differt à stellæ in claritate, & quomodo hic dispare sunt electi in merito ac gratia, ita erunt quoque non æquales omnes in gloria, licet omnes perfecte sint beati. Scendum quoque, Deum in remuneratione, seu mercedis collatione non attendere solum ad laboris arduitatem, operis difficultatem, operumque multitudinem, sed ad charitatis magnitudinem atque ferorem, iuxta quem meritum est initiale mensuratur, & ad cordis munditiam, quæ iuxta gradus suos perfectius & clarius, aut imperfectius Deum videbit. Charitati enim essentiale premium respondebit. Porro laboris magnitudini & similibus circumstantijs redditur præmium accidentale, iuxta quod maior aut minor fuerit operis difficultas.

Et accipientes murmurabant aduersus patrem familias, dicentes: Hi nouissimi vna hora fecerunt, & pares illos nobis fecisti, qui portauimus pondus duci & astus?

Regnum celorum murmuratorum nemo intrat. Quomodo ergo aliqui referuntur mercedem beatitudinis accipientes murmurasse? Dicendum, eos murmurasse, id est, admiratos fuisse seu expausisse incomprehensibilem diuinæ benignitatis multitudinem, quæ in omnes, præcipue autem in eos, qui circa vndecimam sunt horam vocati, erat tanta, ut non mirum esset primos murmurare contra patrem familias, si murmurare possent. Aut esto, quod aliqui possent murmurare, haec & similia dicerent: Hi vna hora fecerunt, & pares eos nobis fecisti (scilicet in præmio) qui portauimus pondus duci & astus, id est, qui maiores laboris, temporis, sudorisque portauimus difficultates. Hic colligitur vndecimam horam ultimam fuisse diei, vndecima hora que sit, vsque

Ioh. II.
Matth. 27.

Vsq; ad duodecimam, qua diei erat finis, indeq; coniicitur sextam fuisse meridiem, Christo testante: Nonne duodecim hora sunt dies? Sequitur itaque sexta hora fuisse meridiem, qua Christus Dominus noster fuit crucifixus, nonam vero tertiam horam fuisse post meridiem, qua in cruce mortuus est Jesus.

At ille respondens vni eorum, dixit: Amice, non facio tibi iniuriam. Nonne ex denario conuenisti mecum? Tolle quod tuum est, & vade. Volo autem & huic nouissimo dare, sicut & tibi. An non licet mihi, quod volo facere? An oculus tuus nequam est, quia ego bonus sum? Sic erunt nouissimi primi & primi nouissimi.

Qui inter murmuratores recensebatur, cuidam Dominus respondit: Amice, non facio tibi iniuriam. Si tibi quod promisi dedero, nullam facio tibi iniuriam, tametsi alteri plus dedero, quam tu fortasse aut ille meruerit. Nonne mihi licet dare, & supererogare etiā ultra meritum, que volo? Num subiectus alicui addictus sum, ut quod mihi libet, non licet facere? Si considerationes argumentationesque tuae erroneæ sint aut iniquæ, ego rame

Io parabolis
Christi quid
potissimum
spectandum
est.

rihilo minus bonus sum, & iudicia mea vera & iusta sunt. Scendum Eu-
angelium hoc parabolicum esse, & similitudinem narrare. In similitudine autem & parabola, non oportet partes comparandas omnino siue ad omnia, sed in his tantum iuxta quae data est similitudo, quadrare. Hic enim tanta, ut dixi, misericordia ostenditur Dei, ut æquitatem humanam quoque videatur excedere, atque (si fieri in illa vita id posset) murmurandi occa-
sionem inuidiæque præstare materiam. Sic erunt nouissimi, scilicet in la-
bore & conductione primi, & primi nouissimi.

Multi enim sunt vocati, pauci vero electi.

Multi ad fidem sunt vocati & baptismi gratiam assediti, pauci vero elec-
ti, id est, prædestinati ad vitam, & gloriam adepturi. Neminem puto, nisi
stipes & lapides non terret hoc verbum, neque parum neque leviter, &
facit de suis meritis quemuis, si qua sunt (humilis enim sui cognitor non in-
uenit in se, quæ æstimet enumeretve merita) prorsus diffidere. Certi enim
sumus omnes nos esse vocatos, verum an electi sumus, nescimus. Non po-
test autem veritas fallere, quæ ex multis vocatis dicit electos nisi paucos fal-
lari. Cogitet igitur vnuquisque nostrum & timeat fortasse se non esse elec-
tum. Inquirat in statu suo, si in officio, si in operibus suis, occupationi-
bus atque negotijs inueniat quo non potest intrari in regnum cœlorum. Si
inuenierit, dolet, pœnitiat, corrigat & confidat, quia Deus pœnitentes non
abijcit. Curate igitur filii ne vita vestra contrarium vobis præbeat & telli-
monium & argumentum, puta ut non sitis de illis paucis, qui sunt electi
Dei, clamantes hoc aduersum vos etiam vita vestra. Misericordiam autem
nobis omnibus largiatur Dominus noster Jesus Christus, qui est benedictus
in secula. Amen.

SERMO